

Tatou faiga faavae tau soifua maloloina ma auaunaga i le tino ma le mafaufau e lē o malosi atoatoa

Health New Zealand

Ua loa tausaga o le tautua matavela sa faia e District Health Boards (DHBs) mo Niu Sila, peitai ua loa foi tausaga o lavelave ma lē maopoopo le faiga faavae lenēi. O le a avea le Health New Zealand ma faalapotopotoga fou e pulea le faiga faavae tau soifua maloloina mo Niu Sila atoa, ma o le a faamatuu i ai ma tiute tauvae talafeagai e faataunuu i vaega faalotoifale, nofoaga i totonu o itumalo, itumalo ma le atunuu atoa.

O ā mea ua suia nei?

O nei suiga mo le toefuataia o le faiga faavae o le a faalēaogāina ai DHBs e 20 o loo iai nei ma o le a tuufaatasia ai a latou tiute tauave i lalo o le Health NZ – o se faalapotopotoga e fou ma e tasi lava na te taimua i le faatautaia o galuega o le faiga faavae mo le atunuu atoa. O le a tuuina atu foi i ai tiute tauave mo le faagaioia o auaunaga a le Matagaluega o Soifua Maloloina, e pei o le puleaina o konekarate i le atunuu atoa.

O le a pulea e le Health NZ auaunaga tau soifua maloloina uma, e aofia ai auaunaga i totonu o falemai ma auaunaga faapitoa, ma tausiga e faia e auaunaga mo uluai tausiga tau le soifua maloloina. O le a saunia auaunaga mo falemai ma auaunaga faapitoa e faia mo le atunuu atoa ma o le a tutusa le faataunuuga o auaunaga nei i le atunuu atoa. O le a faatonuina auaunaga mo uluai tausiga tau le soifua maloloina i totonu o itumalo e fā, ma o le galulue auaunaga taitasi nei ma nisi o ofisa i totonu o nofoaga taitasi (Population Health and Wellbeing Networks) ma o i latou nei o le a saunia ma faatino fuafuaga faalotoifale e faaleleia ai le soifua maloloina ma le soifua manuia o tagata.

O le a faamatuu i le Health NZ le matafaioi o le faaleleia o auaunaga ma taunuuga i le faiga faavae atoa tau soifua maloloina. E galulue faapaaga ma le Māori Health Authority, e saunia se New Zealand Health Plan – o le fuafuaga faataatia mo galuega o le a faataunuu e le faiga faavae tau soifua maloloina i tausaga a sau.

O nei suiga o le a fuafuaina, faatulaga, ma puleaina e faaitiitia ai le faalavelavea o le faatinoga o auaunaga. O le a faafaigaluegaina tagata faigaluega a le DHB i lalo o le vaavaaiga a le Health NZ faatasi ai ma aiaiga faatulagaina o loo iai i le taimi nei. O le aso e aloaia ai le siitia i le faiga fou o loo fuafua i le aso 1 Iulai 2022, i le mae'a ai ona pasia o le tulafono.

Aisea?

E lē tatau ona fua le telē ma le lelei o le auaunaga e te mauaina i lou ituaiga tagata poo fea foi e te alaala ai. O le toefuataia o le faiga faavae o ni suiga e mafai ai e tagata uma ona tutusa lelei le tausiga latou te maua pe a moomia, fesoasoani ia umi le taimi e soifua ai tagata ma maua se soifuaga aupito sili ona lelei.

Ua silia ma le 20 tausaga talu ona faavae DHBs ma le faamoemoe e mafai ai e tagata i totonu o afioaga ona fai so latou sao i faaiuga fai, peitai ua aliae mai ai nisi o faiga na faia e tagata e punitia ai le galulue faatasi o nofoaga, ma tau e lei mafaufauina. I tausaga ua mavae, ua faasolo ina taulai auaunaga i nofoaga taitasi ma ua galo ai galuega aupito sili ona lelei mo Niu Sila atoa - ua aliae ai ma eseese ma faiga lē talafeagai ma lē sa'o i le va o nofoaga ma tagata lautele. Ua aliae mai ai foi ma le lavelave ma le faatino o vaega eseese o galuega lava e tasi, ma ua oo ai ona faatino e DHBs tiute tauave o loo faatino e isi e pei o le sailia o oloa ma punaoa, IT ma le puleaina o aseta, ma o tiute nei sa sili ai ona faatino i le tulaga maualuga mo le atunuu atoa po o le itumalo.

Ua faafaigata tele la tatou faiga faavae tau soifua maloloina pe a fua i le laitiiti o si o tatou atunuu. O lona uiga o lea manatu e iai faaiuga ua afaina ai tagata uma, e pei o nofoaga e faafaigaluegaina ai tupe mo falemai fou poo auaunaga, ma o tulaga nei e lē o faia mo le atunuu atoa. Ua tele le taimi e faaalu i le faamallosia o le tuaoi i le va o taulaga ma galuega, ae lē lava le faamamafa i auala e mafai ai ona tatou galulue faatasi mo le manuia o le lima miliona o tagatanuu Niu Sila.

E ui i le tele o faataitaiga maoae i totonu o la tatou faiga faavae, e faigata ona maua ma faalauaitete faiga fou i le tele o faalapotopotoga, ma o lona uiga ua tele ai avanoa mo le faaleleia o auaunaga ua misi. E ui i se manatu na faavae ai DHBs e faalatalata ai tausiga o loo faia mo tagata, i lona tulaga moni lava, o loo laitiiti pea le sao o afioaga ma tagata o loo faaaogā auaunaga i le tele o faaiuga autu.

O le a faapei foliga o lea faiga faavae fou i le lumanai?

Mo le toatele o le afaigaluega i totonu o auaunaga tau soifua maloloina i totonu o DHBs, e leai se suiga tele o le a tulai mai i se vaitaimi puupuu. O le a faamautinoa e ofisa faaitumalo ma nofoaga i totonu o itumalo a le Health NZ o loo faaauau pea auaunaga i le faiga faavae tau soifua maloloina. A o tau atiae matafaioi ma tiute tauave fou mo le Health NZ, o le a suia auala e saunia ma faatonuina ai auaunaga, ma o le a taulai i se faiga e tutusa i taimi uma ma lelei ai, ma faamallosia atili ai faiga faapaaga i le atunuu atoa ma totonu o itumalo.

O le a sili atu ona lelei le tali atu o auaunaga mo uluai tausiga tau soifua maloloina i manaoga o tagata, ma o le a maua e tagata o faaaogāina auaunaga avanoa e faaali ai finagalo i auaunaga ma auala o loo faataunuuna ai. O nei suiga o le a maua ai le tele o auaunaga e atagia ai faiga fou atoa ai ma tulaga o loo faamuamua e tagata ma manaoga, e aofia ai le tele o avanoa e maua ai tausiga e faia i faiga faatinitaneti.

O le a sili atu ona tutusa i taimi uma le faatinoga o galuega i falemai ma auaunaga faapitoa, ma tele ai avanoa e laugatasia ai ma e sa'o e maua i Niu Sila atoa. O le a maua e tagata le tausiga sa'o i le taimi sa'o e moomia ai e tusa lava poo fea le nofoaga o alaala ai. O le faaleleia atili o auaunaga mo uluai tausiga tau soifua maloloina o le a mafai ai foi ona toatele tagata e faia i ai le tausiga e latalata i aiga, ma mafai ai ona telē lo latou sao i le tausiga o tagata o aiga. O le a mafai ona fesiitai gasegase ma tagata faigaluega i le va o nofoaga e mafai ai ona maua tausiga ma galuega o loo moomia.

O le ā le isi laasaga?

O faamatalaga auiliili o le fuafuaga faataatia o le a mafai ona maua i masina a sau ma o le a aofia ai faatalatalanoaga ma vaega o le soifua maloloina ma tagata o loo faaogāina auaunaga, aiga ma afioaga. O le a faavaeina se faalapotopotoga Health NZ lē tumau i le faaiuga o le 2021, a o lei pasia le tulafono e faavae ai se faalapotopotoga ua aloaiaina.

E te fia iloa atili?

Mo nisi faamatalaga e uiga i galuega ma tulaga ua ausia mo le toefuataia o galuega tau soifua maloloina, tagai i le upegatafailagi a le DPMC i le itulau o loo ta'ua ai galuega a le Transition Unit:

www.dPMC.govt.nz/our-business-units/transition-unit.